

四庫全書

子部

欽定四庫全書

子部

備急千金要方卷三十二至  
四

詳校官太醫院醫士臣舒岱

編修臣倉聖脈覆勘

總校官中書臣朱鈐

校對官中書臣胡紹基

謄錄監生臣秦聯登

欽定四庫全書

備急千金要方卷三十二

唐 孫思邈 撰

宋 林億等 校正

傷寒方

傷寒雜病第十

論方  
灸法

論曰凡除熱解毒無過苦酢等物故多用苦參青葙艾  
梔子葶藶苦酒烏梅之屬是其要也夫熱盛非苦酢物  
不解也熱在身中既不時治治之又不用苦酢等藥此

如救火不以水也必不可得脫免也

又曰今諸療多用辛甘薑桂人參之屬此皆貴價難得常有比行求之轉以失時而苦參青葙葶艾之屬所在盡有除熱解毒最良勝于向貴價藥也前後數參並用之得病內熱者不必按藥次也便以青葙苦參艾苦酒療之但稍與促其間無不解也

扁鵲曰病在腠理湯熨之所及病在血脉針石之所及病在骨髓無可奈何而凡醫治病或言且待使病成乃

頻去之此為妄矣當預約束家中及所部曲具語解此  
意使有病者知之為要

治溫氣病欲死方

苦參一兩以酒二升煮取一升盡飲之當吐則除諸

毒病服之覆取汗皆愈

張文仲及肘後云治熱  
毒氣死破棺千金湯

苦參湯治熱病五六日已上方

苦參

三兩

黃芩

二兩

生地黃

八兩

右三味㕮咀以水八升煎取二升適寒溫服一升日

再

凝雪湯治時行毒病七八日熱積聚胸中煩亂欲死起死人搗湯方

芫花一升以水三升煮取一升半漬故布薄胃上不  
過三薄熱即除當溫暖四肢護厥逆也

栝蒌湯治傷寒中風五六日已上但胃中煩乾嘔方

栝蒌實

一枚

黃芩

甘草

各三兩

生薑

四兩

大棗

十二枚

柴胡

半斤

右六味呿咀以水一斗二升煮取五升絞去滓適寒溫服一升日三

蘆根飲子治傷寒後嘔噦反胃及乾嘔不下食方

生蘆根

切

青竹茹

各一升

粳米

三合

生薑

三兩

右四味以水七升先煮千里鞋底二隻取五升澄清下藥煮取二升半隨便飲不瘥重作取瘥

治傷寒後嘔噦方

通草

三兩

生蘆根

切一升

橘皮

一兩

粳米

三合

右四味㕮咀以水五升煮取二升隨便稍飲不瘥更作取瘥止

治傷寒後虛羸少氣嘔吐方

石膏

麥門冬

半夏

各一升

竹葉

二把

人參

二兩

右五味㕮咀以水一斗煮取六升去滓內粳米一升

米熟湯成飲一升日三服一方加生薑五兩

此方正仲景

竹葉湯方前卷汗後門中已有此方仍少甘草分兩不別



治熱毒攻手足赤腫焮熱疼痛腫痛欲脫方

煮馬尿若羊尿汁漬之日三度

又方濃煮虎杖根適寒溫以漬手足令至踝上一尺止

又方稻糠灰汁漬之

又方取好酒煮苦參以漬之

又方猪膏和羊屎塗之亦佳

又方取常思草絞取汁以漬之一名蒼耳

漏蘆連翹湯治時行熱毒變作赤色癰疽丹疹毒熱赤

腫赤痛生障醫方

漏蘆

連翹

黃芩

麻黃

白朮

升麻

甘草

各一兩

枳實

大黃

各三兩

右九味㕮咀以水九升煮取三升分三服相去如人行五里久更服熱盛者可加芒硝二兩

猪膽湯治傷寒五六日斑出方

猪膽

苦酒

各三合

雞子

一枚

右三味合煎三沸强者盡服之羸者須煎六七沸分  
為二服汗出即愈

治人及六畜時氣熱病豌豆瘡方

濃煮黍穰汁洗之一莖是穰穰即不瘡瘡若黑者搗  
蒜封之

又方煮芸薹洗之

治熱病後豌豆瘡方

黃連三兩以水二升煮取八合頓服之

又方真波斯青黛大如棗水服之瘥

又方青木香二兩以水三升煮取一升頓服之愈

又方若赤黑發如疥大

一作疾火

者煎羊脂摩傳之

又方小豆屑雞子白和而傳之

又方以婦人月水帛拭之

又方小兒著取月水汁和水浴之

又方灸兩手腕碗子骨尖上三壯男左女右

木香湯治瘡煩疼者方

青木香

兩二

薰陸香

礬石

丁香

兩各一

麝香

兩半

右五味㕮咀以水四升煮取一升半再服熱毒盛者  
加犀角一兩無犀角以升麻代之病輕者去礬石神  
驗

又方芒硝和猪膽塗上勿動痂落無痕仍卧黃土末上  
良此病小便澀有血者內壞瘡皆黑靨不出膿者死不  
治也

治內發瘡盛方

酢

四合

大猪膽

一具

右二味合煎三沸服一合日五服之良

治豌豆瘡初發覺欲作者方

煮大黃五兩服之愈

治時行病發瘡方

取好蜜偏身摩瘡上亦可以蜜煎升麻摩之并數數食之

治傷寒鼻衄肺間有餘熱故也熱因血自上不止用此方

牡蠣

二兩半

石膏

一兩六銖

右二味治下篩酒服方寸匕日三四亦可蜜丸如梧子大用治大病瘥後小勞便鼻衄者

治傷寒熱病喉中痛閉塞不通方

生烏扇

一斤切  
猪脂

一斤

右二味合煎藥成去滓取如半雞子大薄綿裹之內

喉中稍稍咽之取瘥

又方

升麻

芍藥

羚羊角

各三兩

通草

四兩

射干

二兩

生蘆根

切一升

右六味呖咀以水七升煮取二升半分作二服

治熱病口中苦下氣除熱喉中鳴煎方

石膏

半斤

蜜

一斤

右二味以水三升先煮石膏取二升次內蜜復煎取



如飴含如棗核許盡復含之大良

治傷寒熱病後口乾喜唾咽痛方

大棗

二十枚

烏梅

十枚

右二味合擣蜜和含如杏核大咽其汁甚驗矣

禹餘糧湯傷寒服湯藥而下利不止心下痞堅服瀉心湯竟復以他藥下之利不止醫以理中與之而利益甚理中治中焦此利在下焦治之方

禹餘糧

赤石脂

各一斤碎

右二味以水六升煮取二升分三服若不止當利小便

治傷寒後下利膿血方

阿膠

兩一

黃蘗

兩二

黃連

兩四

梔子

十四枚

右四味㕮咀以水六升煮取二升去滓內阿膠更煎

令消分為三服

甲乙方無黃蘗有黃芩

治赤白下膿小兒得之三日皆死此有蜚蟲在下部方

麝香

礬石

巴豆

附子

真珠

雄黃

各等分

右六味治合取桑條如箭籛長三寸以綿纏頭二寸  
唾濡綿展取藥著綿上內穀道中半日復易之日再  
神效

麻黃升麻湯治傷寒六七日其人大下後脉沈遲手足  
厥逆下部脉不至咽喉不利唾膿血泄痢不止為難治  
者方

麻黃

知母

姜豉

亦作  
菖蒲

黃芩

各三兩

升麻

芍藥

當歸

乾薑

石膏

茯苓

白朮

桂心

甘草

麥門冬

各二兩

右十四味㕮咀以水一斗先煮麻黃減二升去上沫次內諸藥煮取三升分服一升微取汗愈

治溫毒及傷寒內虛外熱攻胃下黃赤汁及爛肉汁赤滯下伏氣腹痛諸熱毒方

梔子

二十七枚

豉

一升

薤白

一握

右三味以水四升先煮梔子薤白令熟次內豉煮取  
二升半分三服頻服取瘥

治病後虛腫方

豉

五升

醇酒

一斗

右二味煮三沸及熱頓服不耐酒者隨性覆取汗

治汗不止方

地黃三斤切以水一斗煮取三升分作三服

又方白朮葉作飲飲之

又方白朮方寸匕以飲服之

治卒得汗不止方

以溫酒服牛羊脂愈

又方服屎亦止

治盜汗及汗無時方

以韭根四十九枚水二升煮一升頓服之為度

又方豉一升以酒二升漬三日服不瘥更合服不過三

劑即止

又方死人席緣燒灰煮汁洗身瘡

止汗方

杜仲

牡蠣各等分

右二味治下篩臨夜卧以水服五錢匕

又方

牡蠣

雷丸

麻黃根各三兩 乾薑

甘草

各一兩

米粉二升

右六味治下篩隨汗處粉之

牡蠣散治卧即盜汗風虛頭痛方

牡蠣

白朮

防風

各三兩

右三味治下篩酒服方寸匕日二止汗無出此方一  
切泄汗服之三日皆愈

備急千金要方卷三十二



欽定四庫全書

備急千金要方卷三十三 唐 孫思邈 撰

宋 林億等 校正

傷寒方

勞復第十一

論 食忌 方

論曰凡熱病新瘥及大病之後食猪肉及羊血肥魚油  
膩等必當大下利醫所不能治也必至于死若食餅餌  
粢黍飴脯鱠炙棗栗諸菓物脯脩及堅食難消之物胃

氣尚虛弱不能消化必更結熱適以藥下之則胃氣虛冷大利難禁不下之必死下之復危皆難救也熱病及大病之後多坐此死不可不慎也

病新瘥後但得食糜粥寧少食令飢慎勿飽不得他有食雖思之勿與之也引日轉久可漸食羊肉白糜若羹汁雉兔鹿肉不可食猪狗肉也新瘥後當靜卧慎勿早起梳頭洗面非但體勞亦不可多言語用心使意勞煩凡此皆令人勞復故督郵顧子獻得病已瘥未健詣

華敷視脉曰雖瘥尚虛未得復陽氣不足慎勿勞事餘  
勞尚可女勞則死當吐舌數寸其婦聞其夫瘥從百餘  
里來省之經宿交接中間三日發熱口噤臨死舌出數  
寸而死病新瘥未滿百日氣力未平復而以房室者略  
無不死有士蓋正者疾愈後六十日已能行射獵以房  
室即吐涎而死及熱病房室名為陰陽易之病皆難治  
多死近者有一士大夫小得傷寒瘥已十餘日能乘馬  
行來自謂平復以房室即小腹急痛手足拘攣而死時

病瘥後未滿五日食一切肉麵者病更發大困

時病瘥後新起飲酒及韭菜病更發

時病新瘥食生魚酢下痢必不止

時病新瘥食生菜令顏色終身不平復

時病新汗解飲冷水者損心胞令人虛補乃不復

時病新瘥食生棗及羊肉者必膈上作熱蒸

時病新瘥食犬羊等肉者必作骨中蒸熱

時病新瘥食魚肉與瓜生菜令人身熱

一本作腫

時病新瘥食蒜鱠者病發必致大困

黃龍湯治傷寒瘥後更頭痛壯熱煩悶方

仲景名小柴胡湯方

柴胡

半斤

半夏

半升

黃芩

三兩

人參

甘草

各二兩

生薑

四兩

大棗

十二枚

右七味㕮咀以水一斗煮取五升去滓服五合日三  
不嘔而渴者去半夏加栝蒌根四兩

補大病後不足虛勞方

萬病虛勞同用

取七歲已下五歲已上黃牛新生者乳一升以水四

升煎取一升如人體溫稍稍飲之不得過多十日服  
不絕為佳

治傷寒溫病後勞復或食或飲或動作方

梔子仁

三七枚

石膏

五兩

香豉

一升

鼠屎

尖頭大者  
二十枚

右四味㕮咀以水七升煮取三升分三服

治病後勞復或因洗手足或梳頭或食等勞復之方

取洗手足汁飲一合取頭中垢如棗核大吞一枚

枳實梔子湯治大病已後勞復者方

枳實

三枚

梔子

十四枚

豉

一升綿裹

右三味㕮咀以酢漿七升先煎減三升次內枳實梔子煮取二升次內豉煮五六沸去滓分再服覆取汗如有宿食者內大黃如博棊子五六枚

治病新瘥遇美飲食食過多勞復者方

取所食餘燒為末飲調服二錢七日以三服

治新瘥早起及食多勞復者方

豉五合

鼠屎

二十一枚  
尖頭者

右二味以水二升煮取一升盡服之溫卧令小汗愈

崔氏加梔子七枚尤良肘後有麻子仁內一升加水一升亦可內枳實三枚蔥白一虎口

治重病新瘥早起勞及飲食多致發欲死方

燒鼈甲末飲服方寸匕

治食大飽不消勞復脉實者方

豉升一

鼠屎

二十枚

梔子

七枚

大黃

三兩

右四味㕮咀以水六升煮取二升分三服微取汗應



小鴨澹者止不澹者復作

治勞復垂死方

暖湯三合洗四五歲女子陰取汁內口中服即愈小男兒亦得

麥門冬湯治勞復氣欲絕起死人方

麥門冬

一兩

甘草

二兩

京棗

二十枚

竹葉

切一升

右四味呔咀以水七升煮粳米一升令熟去米內諸藥煎取三升分三服不能服者綿滴湯內口中用之

有效

治食勞方

麴二升煮取汁服之

又方杏仁五十枚以酢二升煎取一升服之取汗  
又方燒人屎灰水服方寸匕為度

欲令病人不復方

燒頭垢如梧桐子大吞服之

治傷寒瘥後一年心下停水不能食者方

生地黃

五斤

白朮

一斤

好麴

二斤

右三味合搗令相得曝乾下篩酒服方寸匕日三加

至二匕

論曰婦人溫病雖瘥未嘗平復血脉未和尚有熱毒而與之交接得病者名為陰陽之病其人身體重熱上衝

胃頭重不能舉眼中生眵

一作眵來

四肢

一作膝脛

拘急小腹

絞痛手足拳皆即死其亦有不即死者病苦小腹裏急

熱上衝胃頭重不欲舉百節解離經脈緩弱血氣虛骨

髓竭便噓噓吸吸氣力轉少著床不能動搖起止仰人或引歲月方死醫者張苗說有婢得病瘥後數日有六人犯之皆死

治婦人得病易丈夫丈夫得病亦易婦人方

取女人中覬近隱處燒服方寸匕三日小便即利陰頭微腫此為愈矣女人病可取男覬一如此法

治交接勞復陰卵腫縮腹中絞痛便欲死方

取所交接婦人衣裳以覆男子立愈

令病人不復方

取女人手足爪二十枚女人中衣帶一尺燒以酒若米飲汁服之

治男子新病起近房內復者方

取女人月經赤帛燒服方寸匕亦治陰卵腫縮入腹絞痛欲死

治病後髮亂不可理通頭法

生麻油二升將頭髮解開安銅沙羅中用油淹漬之

細將釵子領髮斯須並自通矣

百合第十二

論方

論曰百合病者謂無經絡百脉一宗悉致病也皆因傷寒虛勞大病已後不平復變成斯病其狀惡寒而嘔者病在上焦也二十三日當愈其狀腹滿微喘大便堅三四日一大便時復小溇者病在中焦也六十三日當愈其狀小便淋瀝難者病在下焦也三十三日當愈各隨其證以治之百合之為病令人意欲食復不能食或有

美時或有不用聞飲食臭時如有寒其實無寒如有熱其實無熱常默默欲卧復不得眠至朝口苦小便赤澀欲行復不能行諸藥不能治治之即劇吐利如有神靈所為也百合病身形如和其脉微數其候每溺時即頭覺痛者六十日乃愈百合病候之溺時頭不覺痛淅淅然寒者四十日愈百合病候之溺時覺快然但覺頭眩者二十日愈百合病證其人或未病而豫見其候者或已病四五日而出或病一月二十日後見其候者治之

常誤也依證治之

論曰百合病見在于陰而攻其陽則陰不得解也復發

其汗為逆也見在于陽而攻其陰則陽不能解也復下

之其病不愈

要畧云見于陰者以陽法救之見于陽者以陰法解之見陽攻陰復發其汗此為逆

其病難治見陰攻陽乃復下之此亦為逆其病難治

百合知母湯治百合病已經發汗之後更發者之方

百合

七枚

知母

三兩

右二味以泉水先洗漬百合一宿當沫出水中明旦



去水取百合更以泉水二升煮取一升汁置之復取  
知母切以泉水二升煮取一升汁合和百合汁中復  
煮取一升半再服不瘥更依法合服

百合滑石代赭湯治百合病已經下之後更發者方

百合

七枚  
擘

滑石

三兩

代赭

一兩

右三味先以泉水漬百合一宿明旦去水更以泉水  
二升煮百合取一升去滓又以水二升煮餘二味取  
一升內百合汁如前法復煎取一升半分再服

百合雞子湯治百合病已經吐之後更發者方

以百合七枚擘浸一宿去汁以泉水二升煮取一升  
取雞子黃一枚內汁中攪令調分再服

百合地黃湯治百合病始不經發汗吐下其病如初者  
方

以百合七枚擘浸一宿去汁以泉水二升煮取一升  
內生地黃汁一升復煎取一升半分再服大便當去  
惡沫為候也

治百合病經月不解變成渴者方

百合根一升以水一斗漬一宿以汁先洗病人身洗  
身後食白湯餅勿與鹽豉也渴不差可用括蔞根并  
牡蠣等分為散飲服方寸匕日三

治百合病變而發熱者方

百合根乾一兩滑石三兩

右二味治下篩飲服方寸匕日三當微利利者止勿  
復服熱即除一本云治百合病小便赤澀臍下堅急

治百合病變腹中滿痛者方

但取百合根隨多少熬令黃色搗篩為散飲服方寸  
匕日三滿消痛止

備急千金要方卷三十三

欽定四庫全書

備急千金要方卷三十四 唐 孫思邈 撰

宋 林億等 校正

傷寒方

傷寒不發汗變成狐惑病第十三

論方

論曰狐惑之病其氣如傷寒默默欲眠目不得閉起卧不安其毒在喉咽為惑病在陰肛者為狐病狐惑之病並惡飲食不欲食聞食臭其面目翕赤翕白翕黑毒食

於上者則聲喝也

作喝一  
作嘔

毒食下部者則乾咽也此由溫

毒氣所為食于上者瀉心湯主之食於下者苦參湯淹  
洗之食于肛外者熏之并用雄黃三片稍置瓦餅中炭  
火燒向肛熏之并服湯也

治狐惑湯

黃連

四兩

薰草

四兩

右二味㕮咀白酢漿一斗漬一宿煮取二升分為三  
服

赤小豆當歸散其人脉數無熱微煩默默但欲卧汗出  
初得之三四日眼赤如鳩眼得之七八日其四眥黃黑  
能食者膿已成也治之方

以赤小豆三升漬之令生芽足乃復乾之加當歸三  
兩為末漿水服方寸匕日三即愈

瀉心湯其病形不可攻不可灸因火為邪血散脉中傷  
脉尚可傷臟則劇并輸益腫黃汁出經合外爛肉腐為  
癰膿此為火疽醫所傷也夫脉數者不可灸因火為邪

即為煩因虛逐實血走脉中火氣雖微內攻有力焦骨傷筋血難復也應在瀉心瀉心湯兼治下痢不止腹中

痛堅而嘔吐腸鳴者方

仲景名半夏瀉心要略名甘草瀉心

半夏

半升

黃芩

人參

乾薑

甘草

各三兩

黃連

一兩

大棗

十二枚

右七味呖咀以水一斗煮取六升分服一升日三

傷寒發黃第十四

論證方  
針灸圖

論曰黃有五種有黃汗黃疸穀疸酒疸女勞疸黃汗者



身體四肢微腫胸滿不渴汗出如黃蘗汁良由大汗出  
卒入水中所致黃疸者一身面目悉黃如橘柚暴得熱  
以冷水洗之熱因留胃中食生黃瓜熏上所致若成黑  
疸者多死穀疸者食畢頭眩心忪怫鬱不安面發黃由  
失饑大食胃氣衝重所致酒疸者心中懊痛足脛滿小  
便黃面發赤斑黃黑由大醉當風入水所致女勞疸者身  
目皆黃發熱惡寒小腹滿急小便難由大勞大熱而交  
接竟入水所致但依後方治之

黃汗之為病身體洪腫發熱汗出不渴狀如風水汗染衣色正黃如藥汁其脉自沈從何得之此病以汗出入水中浴水從汗孔入因而得之

黃耆芍藥桂酒湯治黃汗方

黃耆

兩五

芍藥

兩三

桂心

兩三

右三味㕮咀以苦酒一升水七升合煎取三升飲一升當心煩也至六七日稍稍自除心煩者苦酒阻故也

黃疸之病疸而渴者其病難治疸而不渴其病可治發於陰部其人必嘔發于陽部其人振寒而微熱

桂枝黃耆湯治諸病黃疸宜利其小便假令脉浮當以汗解方

桂枝

芍藥

生薑

各三兩

甘草

二兩

黃耆

五兩

大棗

十二枚

右六味㕮咀以水八升微火煎取三升去滓溫服一升發微汗須臾不汗者飲稀熱粥以助湯若不汗更

服湯

麻黃醇酒湯治傷寒熱出表發黃疸方

麻黃三兩以醇酒五升煮取一升半盡服之溫覆汗出即愈冬月寒時用清酒春月宜用水

治黃疸方

瓜蒂

秫米

赤小豆

各二  
七枚

右三味治下篩病重者取如大豆二枚內著鼻孔中痛縮鼻須臾當出黃汗或從口中出汁升餘則愈病

輕者如一豆不瘥間日復用又下里間以筒使人極

吹鼻中無不死大慎之

刪繁療天行毒熱通貫臟腑沈伏骨髓之間或為黃疸黑

疸赤疸白疸穀疸馬黃等病喘息須臾不絕也

大黃圓治同前

大黃

葶藶子

各二兩

右二味為末蜜和丸如梧子大未食服十丸日三病

瘥止

又方大黃

二兩

黃連

三兩

黃蘗

黃芩

各一兩

麴衣

五合

右五味為末蜜和丸如梧子大先食服三丸日三不知加至五丸

茵陳湯治黃疸身體面目盡黃方

茵陳

黃連

各三兩

黃芩

二兩

大黃

甘草

人參

各一兩

梔子

二十枚

右七味㕮咀以水一斗煮取三升分三服日三亦治

酒疸酒癖

三黃散治同前

大黃

黃連

黃芩

各四兩

右三味治下篩先食服方寸匕日三亦可為丸

五苓散治黃疸利小便方

豬苓

茯苓

澤瀉

白朮

桂心

各三十銖

右五味搗篩為散渴時水服方寸匕極飲水即利小

便及汗出愈

此方與第九卷方相重以分兩不同故重出

秦椒散治黃疸飲少溺多方

秦椒

六銖

瓜蒂

半兩

右二味治下節水服方寸匕日三

小半夏湯治黃疸小便色不異欲自利腹滿而喘者不可除熱熱除必噦方

半夏

生薑

各半斤

右二味呖咀以水七升煮取一升五合分再服有人常積氣結而死其心上暖以此湯少許汁入口遂活



治黃疸方

取生小麥苗搗絞取汁飲六七合晝夜三四飲三四日便愈無小麥穰麥亦得用之

治黃疸變成黑疸醫所不能治者方

土瓜根搗汁一小升頓服日一平旦服至食時病從小便出先須量病人力不得多服力衰則起不得

治發黃身面目悉黃如金色小便如濃煮藥汁衆醫不能療者方

茵陳

梔子

各四兩

黃芩

大黃

柴胡

升麻

各三兩

龍膽

二兩

右七味㕮咀以水八升煮取二升七合分三服若身

體羸去大黃加梔子五六兩生地黃一升

延年錄無茵陳有梔

子四兩枯藁三兩芒硝二兩近效方加枳實二兩

夫黃發已久變作桃皮色

心下有堅嘔逆不下飲食小便極赤色少四肢逆冷

脉深沉極微細遲者不宜服此方得下必變哕也宜

與大茵陳湯除大黃與生地黃五兩服湯盡消息看

脉小浮出形小見不甚沈微便可治也脉浮見者黃

當明不復作挑皮色心下自寬也

大茵陳湯方次出後十一味者是

苦參散治人無漸忽然振寒發黃皮膚黃麴塵出小便赤少大便時閉氣力無異食飲不妨已服諸湯散餘熱不除久黃者宜吐下方

苦參

黃連

瓜蒂

黃蘗

大黃

各一兩

葶藶

二兩

右六味治下篩飲服方寸匕當大吐吐者日一服不

吐日再亦得下服五日知可消息不覺退更服之小折便消息之

治發黃方

茵陳

黃蘗

梔子

大黃

各三兩

黃連

二兩

右五味㕮咀以水九升煮取三升分三服先服湯後服丸方

大黃

五兩

茵陳

梔子

各三兩

黃芩

黃蘗

黃連

各二兩

右六味為末以蜜丸如梧子大白飲服二十丸令微

利

麻黃連翹赤小豆湯治傷寒瘀熱在裏身體必發黃方

麻黃

連翹

甘草

各二兩

生薑

三兩

大棗

十二枚

杏仁

三十枚

赤小豆

一升

生梓白皮

切二升

右八味以水一斗先煮麻黃去沫次內諸藥

煎取三升分三服

茵陳湯治傷寒七八日內實瘵熱結身黃如橘小便不利腹微脹滿宜下之方

茵陳

六兩

大黃

三兩

梔子

四十枚

右三味㕮咀以水一斗二升先煮茵陳取五升去滓次內梔子大黃煎取三升分服一升日三小便當利如皂莢沫狀色正赤當腹減黃悉隨小便去也

范注用療

殺疸小品方用石膏一斤

大黃黃蘗湯治發黃腹滿小便不利而赤自汗出此為  
表和裏實當下之方

大黃

三兩

黃蘗

芒硝

各四兩

梔子

十五枚

右四味㕮咀以水六升煮取二升去滓內芒硝復煎  
取一升先食頓飲之

茵陳圓治時行病急黃并瘴癘疫氣及瘡癰之方

茵陳

梔子

芒硝

杏仁

各三兩

巴豆

一兩

恒山

鼈甲

各二兩

豉

五兩

大黃

五兩

右九味為末以錫為丸如梧子大飲服三丸以吐利為佳不知加一丸初覺體氣有異急服之即瘥神效治急黃熱氣骨蒸兩目赤脉方

芒硝

一兩

大黃

一兩半末

生地黄汁

八合

右三味合和一服五合日二以利為度不須二服治風疸小便或黃或白洒洒寒熱好卧不欲動方

三月生艾

一束搗取銅器中煎如漆密封之

大黃



黃連

凝水石

枯萐根

苦參

葶藶

各六  
銖

右七味六味為末以艾煎和丸如梧子大先食服五  
九日二可至二十丸有熱加苦參渴加枯萐小便澀  
加葶藶小便多加凝水石小便白加黃連大便難加  
大黃

濕疸之為病始得之一身盡疼發熱面色黑黃七八日  
後壯熱熱在裏有血當下去之如牝肝狀其小腹滿者

急下之亦治一身盡黃目黃腹滿小便不利方

礬石

滑石

各五兩

右二味治下篩以大麥粥汁服方寸匕日三先食服之便利如血者已當汗出瘥

寸口脉浮而緩浮則為風緩則為痺痺非中風四肢苦煩脾色必黃瘥熱以行跗陽脉緊而數數則為熱熱則消穀緊則為寒食則滿也尺脉浮為傷腎跗陽脉緊為傷脾風寒相薄食穀即眩穀氣不消胃中苦濁濁氣下

流小便不通陰被其寒熱流膀胱身故盡黃名曰穀疸  
治勞疸穀疸丸方

苦參

三兩

龍膽

一兩

右二味為末牛膽和為丸如梧子大先食以麥粥飲  
服五丸日三不知稍加之

刪繁方加梔子仁三七枝以猪膽和為丸

夫酒疸其脉浮者先吐之沈弦者先下之夫人病酒疸  
者或無熱靖言了了腹滿欲吐嘔者宜吐之方前苦參  
散七味者是酒疸必小便不利其候當心中熱足下熱

是其證也夫酒疸下之久久為黑疸目青面黑心中如  
啖蒜齏狀大便正黑皮膚爪之不仁其脉浮弱雖黑微  
黃故云

枳實大黃湯治傷寒飲酒食少飲多痰結發黃酒疸心  
中懊懣而不甚熱或乾嘔方

枳實

五枚

大黃

三兩

豆豉

半升

梔子

七枚

右四味㕮咀以水六升煮取二升分三服心中熱疼  
懊懣皆主之

凝水石散治肉疽飲少小便多如白泔色此病得之從酒方

凝水石

白石脂

栝蒌根

桂心

各三  
十銖

菟絲子

知母

各十  
八銖

右六味治下篩麥粥飲服五分七日三服五日知十

日瘥

茯苓圓治心下縱橫堅而小便赤是酒疽者方

茯苓

茵陳

乾薑

各一  
兩

白朮

熬

枳實

各三  
十銖

半夏

杏仁  
各十  
銖

甘遂

六  
銖

蜀椒

當歸

各十  
二銖

右十味為末蜜和丸如梧子大空腹服三九日三稍

稍加以小便利為度

千金翼加黃連一兩大黃十八  
銖名茵陳丸治黑疸身體闇黑

小便  
澀

半夏湯治酒癖陰胃心脹滿骨肉沉重逆害飲食乃至  
小便赤黃此根本虛勞風冷飲食衝心由脾胃內痰所  
致方

半夏一升

生薑

黃芩

茵陳

當歸

各一兩

前胡

枳實

甘草

大戟

各二兩

茯苓

白朮

各三兩

右十一味㕮咀以水一斗煮取三升分作三服

牛膽圓治酒疸身黃麴塵出方

牛膽

一枚

芫花

一升

薤花

半升

瓜蒂

三兩

大黃

八兩

右五味㕮咀以清酒一斗漬一宿煮減半去滓

內牛膽微火煎令可丸如大豆服一丸日移六七尺  
不知復服一丸至八丸膈上吐膈下下或不吐而自  
愈

大茵陳湯治內實熱盛發黃黃如金色脉浮大滑實緊  
數者大發黃多是酒客勞熱食少胃中熱或溫毒內熱  
者故黃如金色方

茵陳

黃蘗

各一兩半

大黃

白朮

各三兩

黃芩

甘草

茯苓

梔萸根



前胡

枳實

各二兩

梔子

二十枚

右十一味㕮咀以水九升煮取三升分三服得快下消息三四日更治之

茵陳圓治氣淋臛脹腹大身體面目悉黃及酒疸短氣不得息方

茵陳

天門冬

梔子

各四兩

大黃

桂心

各三兩

通草

石膏

各二兩

半夏

半升

右八味蒸大黃通草天門冬半夏梔子曝令乾合搗

篩蜜丸如大豆服三九日三忌生魚以豆羹服不得用酒一方去石膏內滑石二兩不知加至十丸

黃家至日晡所發熱而反惡寒此為女勞得之當膀胱急小腹滿體盡黃額上黑足下熱因作黑疸其腹臃脹而滿如欲作水狀大便必黑時澹泄此女勞疸非水也腹滿者難治

硝石礬石散治女勞疸方

硝石

礬石

各半兩

右二味治下篩大麥粥汁服方寸匕日三重衣覆取汗病隨大小便出小便正黃大便正黑

黃疸之為病日晡所發熱惡寒小腹急身體黃額黑大便澹黑足下熱此為女勞腹滿者難治治之方

滑石

石膏各等分

右二味治下篩以大麥粥汁服方寸匕日三小便極利則瘥

針灸黃疸法

正面圖第一

寅門  
脣裏

上斷  
顙顙

上脣  
俠人中

舌下  
俠承漿

巨關  
陰縫

上管

寅門穴從鼻頭直入髮際度取通繩分為三斷繩取一分入髮際當繩頭針是穴治馬黃黃疸等病

上斷裏穴正當人中及脣針三銍治馬黃黃疸等病

上脣穴入口裏邊在上縫赤白脉是針三銍治馬黃黃

疸四時等病

舌下穴俠舌兩邊針治黃疸等病

脣裏穴正當承漿裏邊逼齒斷針三銓治馬黃黃疸寒暑溫疫等病

顙顙穴在眉眼尾中間上下有來去絡脉是針灸之治四時寒暑所苦疸氣溫病等

俠人中穴火針治馬黃黃疸疫通身並黃語音已不轉者

俠承漿穴去承漿兩邊各一寸治馬黃急疫等病

巨闕穴在心下一寸灸七壯治馬黃黃疸急疫等病

上管穴在心下二寸灸七壯治馬黃黃疸等病

男陰縫穴拔陰反向上灸治馬黃黃疸等病若女人玉

門是穴男女針灸無在

覆面圖第二

風府  
肝輸

熱府  
脾輸

肺輸  
腎輸

心輸  
腳後跟

風府穴在項後入髮際一寸去上骨一寸針之治頭中

百病馬黃黃疸等病

熱府穴在第二節下兩傍相去各一寸五分針灸無在

治馬黃黃疸等病

肺輸穴從大椎數第三椎兩傍相去各一寸五分灸主  
黃疸通治百毒病

心輸穴從肺輸數第二椎兩傍相去各一寸五分  
肝輸穴從心輸數第四椎兩傍相去各一寸五分  
脾輸穴從肝輸數第二椎兩傍相去各一寸五分  
腎輸穴從脾輸數第三椎兩傍相去各一寸五分

脚後跟穴在白肉後際針灸隨便治馬黃黃疸寒暑諸  
毒等病

側面圖第三

耳中

臍石子頭

頰裏

手太陽

太衝

耳中穴在耳門孔上橫梁是針灸之治馬黃黃疸寒暑疫毒等病

頰裏穴從口吻邊入往對頰裏去口一寸針主治馬黃黃疸寒暑溫疫等病頰兩邊同法

手太陽穴手小指端灸隨年壯治黃疸


臍石子頭穴還取病人手自捉臂從腕中太澤

澤當作淵文

向上一夫接白肉際灸七壯治馬黃黃疸等病



錢孔穴度乳至臍中屈肋頭骨是灸百壯治黃疸  
太衝穴針灸隨便治馬黃黃疸溫疫毒等病



備急千金要方卷三十四

欽定四庫全書

子部

備急千金要方卷三十五

詳校官太醫院醫士

臣舒岱

編修臣倉聖脈覆勘

總校官中書臣朱鈐

校對官中書臣胡紹基

謄錄監生臣秦聯登

欽定四庫全書

備急千金要方卷三十五

唐 孫思邈 撰

宋 林億等 校正

傷寒方

溫瘧第十五

論方  
瘧法  
灸刺法  
符

論曰夫瘧者皆生於風夏傷於暑秋為瘧瘧也問曰瘧  
先寒而後熱者何也對曰夫寒者陰氣也風者陽氣也  
先傷于寒而後傷于風故先寒而後熱也病以時作名

曰寒瘧問曰先熱而後寒者何也對曰先傷于風而後傷于寒故先熱而後寒也亦以時作名曰溫瘧其但熱而不寒者陰氣先絕陽氣獨發則少氣煩悶手足熱而欲嘔名曰瘴瘧問曰夫病溫瘧與寒瘧而皆安舍舍于何藏對曰溫瘧者得之冬中于風寒氣藏于骨髓之中至春則陽氣大發邪氣不能自出因遇大暑腦髓鑠肌肉消腠理發泄因有所用力邪氣與汗皆出此病邪氣先藏于腎其氣先從內出之于外也如是則陰虛而陽

盛盛則病矣衰則氣復反入入則陽虛虛則寒矣故先  
熱而後寒名曰溫瘧問曰瘧瘧何如對曰瘧瘧者肺素  
有熱氣盛于身厥逆上衝中氣實而不外泄因有所用  
力腠理開風寒舍于皮膚之內分肉之間發則陽氣盛  
陽氣盛而不衰則病矣其氣不及于陰故但熱而不寒  
氣內藏于心而外舍于分肉之間令人消鑠脫肉故名  
曰瘧瘧夫瘧之旦發也陰陽之旦移也必從四肢始也  
陽已傷陰從之故氣未并先其時一食頃用細布索緊

束其手足十指令邪氣不得入陰氣不得出過時乃解  
夫瘧脉自弦也弦數者多熱弦遲者多寒弦小緊者可  
下之弦遲者可溫之若脉緊數者可發汗針灸之脉浮  
大者吐之瘧脉弦數者風發也以飲食消息止之

瘧歲歲發至三歲或連月發不解者以脇下有痞也治  
之不得攻其痞但得虛其津液先其時發其汗服湯已  
先小寒者引衣自覆汗出小便利即愈瘧者病人形瘦  
皮上必粟起也病瘧一日發當以十五日愈設不瘥當

月盡解也。今不愈，當云何？師曰：此病結為癰，癰名曰瘡。毋急，當治之。鼈甲煎圓主之方。

成死鼈

十二斤治如食法要略作鼈用三兩

半夏

人參

大戟

各六銖

瞿麥

阿膠

紫葳

一作紫葍

牡丹皮

石葦

乾薑

大黃

厚朴

桂心

海藻

要略作赤消

葶藶

蜣螂

各十二銖

蜂窠

桃仁

芍藥

各一兩

柴胡

一兩半

烏羽

燒一作烏扇

黃芩

各十八銖

麝蟲



蜜蟲

各三十銖要  
畧作鼠婦

右二十四味為末取鍛竈下灰一斗清酒一斛五斗  
以酒漬灰取酒著甕盡爛泯泯如漆絞去滓下諸藥  
煎為丸如梧子大未食服七丸日三仲景方無  
大戟海藻

柴胡栝蒌根湯治瘧而發渴者方

柴胡

黃耆

人參

甘草

生薑

各三兩

大棗

二十枚

栝蒌根

四兩

右七味㕮咀以水一斗二升煮取六升去滓煎取三

升溫服一升日三

牡蠣湯牡瘡者多寒治之方

牡瘡一作牡瘡

牡蠣

麻黃

各四兩

甘草

二兩

蜀漆

三兩無以恒山代之

右四味先洗蜀漆三過去腥㕮咀以水八升煮蜀漆麻黃得六升去沫乃內餘藥煮取二升飲一升即吐

出復飲之

蜀椒散多寒者牡瘡也治之方

蜀椒

雲母

龍骨

各等分

右三味治下篩先未發一炊頃以酢漿服半錢臨發服一錢溫瘧者加蜀椒半分雲母取火燒之三日三

夜

要畧不用雲母用雲貴

有瘰癧者陰氣孤絕陽氣獨發而脉微其候必少氣煩滿手足熱欲嘔但熱而不寒邪氣內藏于心外舍于分肉之間令人消鑠脫肉也

有溫瘧者其脉平無寒時病六七日但見熱也其候骨

節疼煩時嘔朝發暮解暮發朝解名溫瘧

白虎加桂湯治之方

石膏

斤一

知母

兩六

甘草

兩二

粳米

合六

右四味㕮咀以水一斗二升煮米爛去滓加桂心三兩煎取三升分三服覆令汗先寒發熱汗出者愈

麻黃湯治瘧須發汗方

麻黃

括萎根

大黃

各四兩

甘草

一兩

右四味㕮咀以水七升煮取二升半分三服未發前

食頃一服臨發一服服後皆厚覆取汗

治瘡或間日發者或夜發者方

恒山

竹葉

各三兩

秫米

一百粒

石膏

八兩

右四味㕮咀以水八升銅器中漬藥露置星月下高  
淨處橫刀其上明日取藥于病人房中以銅器緩火  
煎取三升分三服清旦一服未發前一食頃一服臨  
發一服三服訖靜室中卧莫共人語當一日勿洗手  
面及漱口勿進食取過時不發乃澡洗進食并用藥

汁塗五心胃前頭面藥滓置頭邊曾用神驗

救急方  
用烏梅

二七  
枚

又方先作羊肉臠麵餅飽食之并進少酒隨所能令其  
欣欣有酒氣入密室裏然炭火厚覆取大汗即瘥

又方燒黑牛尾頭毛作灰酒服方寸匕日三

恒山圓治瘡瘡說不可具方

恒山

知母

甘草

大黃

各十  
八銖

麻黃

一兩

右五味為末蜜和丸如梧子大未食服五丸日二不

知漸增以瘡為度

肘後無大黃

又方治瘡經數年不瘡者兩劑瘡一月已來一劑瘡方

恒山三兩為末以雞子白和併手丸如梧子大置銅

枕中子湯中煮令熟殺腥氣則止以竹葉飲服二十

凡欲吐但吐至發令得三服時早可斷食而晚不可

斷食可竹葉汁煮藤少食之

梔子湯治同前

梔子

十四枚

秫米

十四粒

恒山

三兩

車前葉

二十七枚  
炙乾

右四味㕮咀以水九升煮取三升分三服未發一服  
發時一服發後一服以吐利四五行為瘥不止冷飯  
止之

治老瘡久不斷者方

恒山

三兩

烏賊骨

升麻

鼈甲

附子

各一兩



右五味哎咀絹袋盛以酒六升漬之小令近火轉之一宿成一服一合比發可數服或吐下

治瘡無問新久者方

小便

一升半

蜜

三匕

右二味煮三沸頓服每發日平旦時服自至發勿食重者漸退不過三服瘡

又方

鼠尾子

車前子

各一虎口

右二味咬咀以水五升煮取二升未發前服盡

又方馬鞭草汁五合酒三合分三服

又方擣葭蓉根燒為灰和水服一合量人大小強弱用之

又方瓜蒂二七枚擣水漬一宿服之

又方常以七月上寅日採麻花為末酒服方寸匕

又方故鞋底去兩頭燒作灰井花水服之

又方服翹搖汁

又方桃花末服方寸匕

治瘡方

鼈甲

方寸炙

烏賊骨

方寸炙

附子

炮

甘草

各一兩

恒山

二兩

右五味㕮咀以酒二升半漬之露一宿明日塗五心手足過發時瘡斷若不斷可飲一合許瘡

蜀漆圓治勞瘡并治積勞寒熱發有時似瘡者方

蜀漆

麥門冬

知母

白薇

地骨皮

升麻

各三  
十銖

甘草

鼈甲

烏梅肉

姜蕤

各一  
兩

恒山

一兩  
半

石膏

二兩

豉

合一

右十三味為末蜜和丸如梧子大飲服十丸日再服  
之稍稍加至二三十九此神驗無不瘥也加光明砂  
一兩

烏梅圓治寒熱勞瘧久不瘥形體羸瘦痰結胃堂食飲  
減少或因行遠久經勞役患之積年不瘥服之神效方

烏梅肉

豆豉

各一合

升麻

地骨皮

柴胡

鼈甲

恒山

前胡

各一兩

肉苁蓉

玄參

百合

蜀榛

桂心

人參

知母

各半兩

桃仁

八十枚

右十六味為末蜜凡空心煎細茶下三十九日二服  
老少孩童量力通用無所忌

治勞瘵積時不斷眾治無效者方

生長大牛膝一握切以水六升煮取一升分再服第

一服取未發前食頃第二服取臨發時

大五補湯治時行後變成瘴瘧方

桂心

三十銖

遠志

桔梗

芎藭

各二兩

茯苓

乾地黄

芍藥

人參

白朮

當歸

黃耆

甘草

各三兩

竹葉

五兩

大棗

二十枚

生枸杞根

生薑

各一斤

半夏

麥門冬

各一升

右十八味㕮咀以水三斗煮竹葉枸杞取二斗次內

諸藥煎取六升分六服一日一夜令盡

鯪鯉湯治乍寒乍熱乍有乍無山瘴瘧方

鯪鯉甲

十四枚

鼈甲

烏賊骨

各一兩

恒山

三兩

附子

一枚

石五味咬咀以酒三升漬一夕發前稍稍啜飲勿絕吐之魚以塗身斷食過時乃食飲

烏梅圓治肝邪熱為瘧令人顏色蒼蒼氣息喘悶戰掉狀如死者或久熱勞微動如瘧積年不瘥方

烏梅肉

蜀榛

鼈甲

姜蕤

知母

苦參

各一兩

恒山

半一兩

石膏

二兩

甘草

細辛

各十八銖

香豉

合

右十一味為末蜜丸如梧子大酒服十丸日再飲服亦得

治心熱為瘡不止或止後熱不歇乍來乍去令人煩心甚欲飲清水反寒多不甚熱者方

甘草

一兩

蜀榛

三兩

恒山

鼈甲

各四兩



石膏

兩五

香豉

合一

梔子

烏梅

各三  
十枚

淡竹葉

升切二

右九味㕮咀以水九升煮取三升分三服

恒山圓治脾熱為瘡或渴或不渴熱氣內傷不泄令人  
病寒腹中痛腸中鳴汗出方

恒山

兩三

甘草

兩半

知母

鼈甲

各一  
兩

右四味為末蜜丸如梧子大未發前酒服十丸臨發  
時一服正發時一服

恒山湯治肺熱痰聚胃中來去不定轉而為瘧其狀令人心寒寒甚則發熱熱間則善驚如有所見者方

恒山

三兩

甘草

半兩

秫米

三百二十粒

右三味㕮咀以水七升煮取三升分三服至發時令三服盡

又方治腎熱發為瘧令人淒淒然腰脊痛宛轉大便難目眴眴然身掉不定手足寒方

恒山

三兩

烏梅

三七枚

竹葉

切一升

香豉

八合

蔥白

一握

右五味㕮咀以水九升煮取三升分三服至發令盡  
藜蘆圓五臟並有瘕候六腑則無獨胃腑有之胃腑瘕  
者令人旦病也善饑而不能食食而支滿腹大治之方

藜蘆

恒山

皂莢

牛膝

各一兩

巴豆

三十枚

右五味先熬藜蘆皂莢色黃合搗為末蜜丸如小豆

大旦服一丸正發時一丸一日勿飽食

肘後無恒山及牛膝

刺灸法

肝瘡刺足厥陰見血 心瘡刺手少陰

脾瘡刺足太陰 肺瘡刺手太陰陽明

腎瘡刺足少陰太陽 胃瘡刺足太陰陽明橫脉出血

凡灸瘡者必先問其病之所發者先灸之從頭項發者  
于未發前預灸大椎尖頭漸灸過時止從腰脊發者灸  
腎輸百壯從手臂發者灸三間

瘡灸上星及大椎至發時令滿百壯灸艾炷如黍米粒

俗人不解取穴務大炷也

覺小異即灸百會七壯若後更發又七壯極難愈者不  
過三灸以足踏地以線圍足一匝中折從大推向百會  
灸線頭三七壯炷如小豆狀 又灸風池二穴三壯  
凡一切瘡無問遠近正仰卧以線量兩乳間中屈從乳  
向下灸度頭隨年壯男左女右

五臟一切諸瘡灸尺澤七壯穴在肘中約上動脉是也  
諸瘡血脉不見者刺十指間出血血去必已先視身之

赤如小豆者盡取之

瘡刺足少陰血出愈

瘡瘡上星主之穴在鼻中央直髮際一寸陷容豆是也  
灸七壯先取諛諤後取天牖風池瘡日西而發者臨泣  
主之穴在目眥上入髮際五分陷者灸七壯

瘡實則腰背痛虛則軌衄飛揚主之穴在外踝上七寸  
灸七壯

瘡多汗腰痛不能俛仰目如脫項如拔崑崙主之穴在

足外踝後跟骨上陷中灸三壯

攘瘡法未發前把大雄雞一頭著懷中時時驚動令雞作大聲立瘡

治瘡符

凡用二符

瘡小兒父字石拔母字石鉗某甲著患人姓名患瘡人竊讀之曰一切天地山水城隍日月五星皆敬竈君今有一瘡鬼小兒罵竈君作黑面奴若當不信看文書急急如律令

此符必須真書前後各留白紙一行擬著竈君額上  
瓦石壓之不得壓字上勿令人近符若得專遣一人  
看符大好亦勿令灰土傳符上致使字不分明出見  
著符次第如後若明日日出後發須令人夜掃竈君  
前及額上令淨至發日旦令患人整衣帽立竈前讀  
符使人自讀必須分明讀符勿錯一字每一遍若別  
人讀一遍患人跪一拜又以手捉患人一度若患人  
自讀自捉衣振云人姓某甲如此是凡三遍讀三拜



了以淨瓦石壓兩角字句上著竈額上勿令壓字上  
若瘡日西發具如上法三遍讀符至午時更三遍讀  
如上法如夜發日暮更三遍讀並如上法其竈作食  
亦得勿使動此符若有兩竈大竈上著符若有露地  
竈屋裏竈上著止有露竈依法著之仍須手提符其  
符法如後若有客患會須客經停過三度發三度委  
曲著符如上法符亦云客姓名患瘡乞拘錄瘡鬼小  
兒如左凡治久患者一著符一漸瘡亦可五度著符

如始可全瘥又須手把符如左

王良符張季伯書之急急如律令

此王良符依法長捲兩手握念佛端坐如須行動檢校揷著胸前字頭向上

右二符各依法一時用不得闕一符萬一不瘥但得一發輕後發日更讀即瘥一一仔細依法若字參差即不瘥

診谿毒證第十六

江東江南諸谿源間有蟲名短狐谿毒亦名射工其蟲無目而利耳能聽在山源谿水中聞人聲便以口中毒射人故謂射工也其蟲小毒輕者及相逐者射著人影者皆不即作瘡先病寒熱身不喜冷體彊筋急頭痛目疼張口欠欬嗽呼吸悶亂朝旦少蘇醒晡夕輒復寒熱或似傷寒發熱散動亦如中尸便不能語病後如此自非其土地人不常數行山水中不知其證便謂是傷寒發熱散動作治乖僻毒盛發瘡復疑是瘰疽乃至吐下

去血復恐疑蟲毒是以致禍耳今說其狀類以明其證  
與傷寒別也方見別卷中

備急千金要方卷三十五

欽定四庫全書

備急千金要方卷三十六 唐 孫思邈 撰

宋 林億等 校正

肝臟方

肝臟脉論第一

論曰夫人稟天地而生故內有五臟六腑精氣骨髓筋脉外有四肢九竅皮毛爪齒咽喉脣舌肛門胞囊以此總而成軀故將息得理則百脉安和役用非宜即為五

勞七傷六極之患有方可救雖病無他無法可憑奄然  
永往所以此之中帙卷卷備述五臟六腑等血脉根源  
循環流注與九竅應會處所并論五臟六腑等輕重大  
小長短闊狹受盛多少仍列對治方法丸散酒煎湯膏  
摩熨及灸針孔穴並窮於此矣其能留心於醫術者可  
考而行之其冷熱虛實風氣準藥性而用之則內外百  
病無所逃矣凡五臟在天為五星在地為五嶽約時為  
五行在人為五臟五臟者精神魂魄意也論陰陽察虛

實知病源用補瀉應稟三百六十骨節終會通十二經  
焉

論曰肝主魂為即官隨神往來謂之魂魂者肝之藏也  
目者肝之官肝氣通於目目和則能辨五色矣左目甲  
右目乙循環紫宮榮華於爪外主筋內主血肝重四斤  
四兩左三葉右四葉凡七葉有六童子三玉女守之神  
名藍藍主藏魂號為魂藏隨節應會故云肝藏血血舍  
魂在氣為語在液為淚肝氣虛則恐實則怒肝氣虛則



夢見園花生草得其時夢伏樹下不敢起肝氣盛則夢  
怒厥氣客於肝則夢山林樹木

凡人寢臥血歸於肝肝受血而能視足受血而能步掌  
受血而能握指受血而能攝

凡肝臟象木與膽合為腑其經足厥陰與少陽為表裏  
其脉弦相於冬王於春春時萬物始生其氣來濡而弱  
寬而虛故脉為弦濡即不可發汗弱則不可下寬者開  
開者通通者利故名曰寬而虛

春脉如弦春脉肝也東方木也萬物之所以始生也故其氣來濡弱輕虛而滑端直以長故曰弦反此者病何如而反其氣來實而弦此謂太過病在外其氣來不實而微此謂不及病在內太過則令人善忘忘一作怒忽忽眩冒而癲疾不及則令人胃痛引背兩脇脹滿

肝脉來濡弱招招如揭竿末稍曰平

巢源作綽綽如按琴瑟之絃如揭長

竿  
平

春以胃氣為本肝脉來盈實而滑如循長竿曰肝病肝

脉來急而益勁如新張弓弦曰肝死

真肝脉至内外急如循刀刀責責然

巢源作  
贖贖然

如按琴瑟

絃

巢源作如  
新張弓弦

色青白不澤毛折乃死

春胃微弦曰平弦多胃少曰肝病但弦無胃曰死胃而

有毛曰秋病毛甚曰金病

肝藏血血舍魂悲哀動中則傷魂魂傷則狂妄其精不

守

一作狂妄不精  
不敢正當人

令人陰縮而攣筋兩脇肋骨舉

一作  
不舉

毛悴色夭死于秋

足厥陰氣絕則筋縮引卵與舌厥陰者肝脉也肝者筋之合也筋者聚於陰器而脉絡於舌本故脉弗營則筋縮急筋縮急則引卵與舌故唇青舌卷卵縮則筋先死庚篤辛死金勝木也

肝死藏浮之弱按之中如索不來或曲如蛇行者死

春肝木王其脉弦細而長曰平反得沈濡而滑者是腎之乘肝母之歸子為虛邪雖病易治反得浮大而洪者是心之乘肝子之乘母為實邪雖病自愈反得微澀而

短

千金翼云微浮而短澀

者是肺之乘肝金之尅木為賊邪大逆

十死不治反得大而緩者是脾之乘肝土之陵木為微

邪雖病即瘥心乘肝必吐利肺乘肝即為癰腫

左手關上陰絕者無肝脉也苦癢遺溺難言脇下有邪氣善吐刺足少陽治陽

左手關上陰實者肝實也苦肉中痛動善轉筋吐刺足

厥陰治陰

肝脉來濯濯如倚竿如琴瑟絃再至曰平三至曰離經

病四至脫精五至死六至命盡足厥陰脉也

肝脉急甚為惡言

一作妄言

微急為肥氣在脇下如覆杯緩

甚為嘔微緩為水痕痺大甚為內癰善嘔衄微大為肝  
痺縮欬引小腹小甚為多飲微小為消痺滑甚為頽疰  
微滑為遺溺瀦甚為淡飲微瀦為瘕瘕筋攣

肝脉搏堅而長色不青當病墜若搏因血在脇下令人

喘逆其濡而散色澤者當病溢飲溢飲者渴暴多飲而

溢入肌膚腸胃之外也

素問溢入作易入

青脉之至也長而左右彈有積氣在心下支肱名曰肝痺得之寒濕與疝同法腰痛足冷頭痛

扁鵲云肝有病則目奪精虛則寒寒則陰氣壯壯則夢山樹等實則熱熱則陽氣壯壯則夢怒

肝在聲為呼在變動為握在志為怒怒傷肝精氣并於肝則憂肝虛則恐實則怒怒而不已亦生憂矣

色主春病變於色者取之榮

病先發於肝者頭目眩脇痛支滿一日之脾閉塞不通

身病體重二日之胃而腹脹三日之腎小腹腰脊痛脛  
痠十日不已死冬日入夏早食

病在肝平旦慧下晡甚夜半靜

假令肝病西行若食雞肉得之當以秋時發病以庚辛  
日也家有血腥死女子見之以明要為災不者若感金  
銀物得之

凡肝病之狀必兩脇下痛引小腹令人善怒虛則目眊  
眊無所見耳無所聞善恐如人將捕之若欲治之當取



其經足厥陰與少陽氣逆則頭目痛耳聾不聰頰腫取  
血者

肝脉沈之而急浮之亦然若脇痛有氣支滿引小腹痛  
時小便難苦目眩頭痛腰脊痛足為寒時癰女人月事  
不來時無時有得之少年有所墮墜

肝病其色青手足拘急脇下苦滿或時眩冒其脉弦長  
此為可治宜服防風竹瀝湯秦艽散春當刺大敦夏刺  
行間冬刺曲泉皆補之季夏刺太衝秋刺中郤皆瀉之

又當灸其門百壯背第九椎五十壯

邪在肝則兩脇中痛寒中惡血在內肝善癢節時腫取之行間以引脇下補三里以溫胃中取血脉以散惡血取耳間青脉以去其癢凡有所墮墜惡血留內若有所大怒氣上而不能下積于左脇下則傷肝

肝中風者頭目暈兩脇痛行常偃令人嗜甘如阻婦狀肝中寒者其人洗洗惡寒翕翕發熱面翕然赤熱熱有汗胃中煩熱

肝中寒者其人兩臂不舉舌本

又作大舌

燥善太息胃中痛

不得轉側時盜汗欬食已吐其汁肝主胃中喘怒罵其  
脉沈胃中又窒欲令人推按之有熱鼻窒

肝傷其人脫肉又臥口欲得張時時手足青目瞑瞳人  
痛此爲肝臟傷所致也

肝水者其人腹大不能自轉側而脇下腹中痛時時津  
液微生小便續通

肝脹者脇下滿而痛引小腹不寧

肝著其病人常欲蹈其胷上先未苦時但欲飲熱

診得肝積脉弦而細兩脇下痛邪氣走心下足脛寒脇  
痛引小腹男子積疝女子瘕淋身無膏澤善轉筋爪甲  
枯焦青黑春癢而秋劇色青也

肝之積名曰肥氣在左脇下如覆杯有頭足如龜鼈狀  
久久不愈發欬逆瘕而連歲月不已以季夏戊巳日得  
之何也肺病傳肝肝當傳脾脾適以季夏壬戌王者不受  
邪肝復欲還肺肺不肯受因留結為積故知肥氣以季

夏得之

肝病胃滿脇脹善恚怒呌呼身體有熱而復惡寒四肢不舉面白身體滑其脉當弦長而急今反短濇其色當青而反白者此是金之尅木為大逆十死不治

襄公問扁鵲曰吾欲不診脉察其音觀其色知其病生死可得聞乎答曰乃聖道之大要師所不傳黃帝貴之過於金玉入門見病觀其色聞其呼吸則知往來出入吉凶之相角音人者主肝聲也肝聲呼其音琴其志怒

其經足厥陰厥逆少陽則榮衛不通陰陽交錯陰氣外傷陽氣內擊擊則寒寒則虛虛則卒然喑啞不聲此為厲風入肝續命湯主之

方見別卷中

但踞坐不得低頭面目

青黑四肢緩弱遺失利便甚則不可治賒則旬月之內

桂枝湯主之

方見別卷中

又呼而哭哭而反吟此為金尅木

陰擊陽陰氣起而陽氣伏伏則實實則熱熱則喘喘則逆逆則悶悶則恐懼目視不明語聲切急謬說有人此為邪熱傷肝甚則不可治若唇色雖青向眼不應可治

地黃煎主之

方見下肝  
虛實篇中

肝病為瘡者令人色蒼蒼然太息其狀若死者烏梅丸

主之

方見別  
卷中

若其人本來少於悲恚忽爾嗔怒出言反

常乍寬乍急言未竟以手向眼如有所畏若不即病禍  
必至矣此肝病聲之候也若其人虛則為寒風所傷若  
實則為熱氣所損陽則瀉之陰則補之青為肝肝合筋  
青如翠羽者吉肝主目是肝之餘其人木形相比於  
上角蒼色小頭長面大肩平背直身小手足有材好勞

心少力多憂勞於事耐春夏不耐秋冬秋冬感而生病  
足厥陰他他然脇廣合堅脆傾正則肝應之正青色小  
理者則肝小小則歲安無脇下之病粗理者則肝大大  
則虛虛則寒逼胃迫咽善膈中旦脇下痛廣脇反骹者  
則肝高高則實實則肝熱上支責加脇下急為息責合  
脇危一作兔骹者則肝下下則逼胃脇下空空則易受邪  
脇骨堅者則肝堅則臟安難傷脇骨弱者則肝脆脆則  
善病消痺易傷脇腹好相者則肝端正端正則和利難



傷脇骨偏舉者則肝偏傾偏傾則脇下偏痛凡人分部  
陷起者必有病生膽少陽為肝之部而藏氣通於內外  
部亦隨而應之沈濁為內浮清為外若色從外走內者  
病從外生部處起若色從內出外者病從內生部處陷  
內病前治陰後治陽外病前治陽後治陰陽主外陰主  
內凡人死生休否則藏神前變形于外人肝前病目則  
為之無色若肝前死目則為之脫精若天中等分墓色  
應之必死不治看應增損斟酌賒促賒則不出四百日

內促則不延旬月之間肝病少愈而卒死何以知之曰  
青白色如拇指大靨點見顏頰上此必卒死肝絕八日  
死何以知之面青目赤但欲伏眠目視而不見人汗出  
如水不止一日二日死面黑目青者不死青如草滋死  
吉凶之色在於分部順順而見青白入目必病不出其  
年若年上不應三年之中禍必應也

春木肝脉色青主足少陽脉也春取絡脉分肉春者木  
始治肝氣始生肝氣急其風疾經脉常深其氣少不能

深入故取絡脉分肉之間其脉根本並在竅陰之間應  
在窻籠之前窻籠者耳前上下脉以手按之動者是也  
其筋起於小指次指之上結外踝上循肱外廉結於膝  
外廉其支者別起於外輔骨上走髀前者結伏兔之上  
後者結於尻其直者上眇乘季脇上走腋前廉使於膺  
乳結於缺盆直者上出掖貫缺盆出太陽之前循耳後  
上額角交巔上下走額上結於顙其支者結於目外眥  
為外維

其脉起於目眦眥上抵頭角下耳後循頸行手少陽之前至肩上却交出手少陽之後入缺盆其支者從耳後入耳中出走耳前至眦眥後其支者別眦眥下大迎合手少陽於頰下加頰車下頸合缺盆以下胃中貫膈絡肝屬膽循脇裏出氣街繞毛際橫入髀厭中其直者從缺盆下腋循胃過季脇下合髀厭中以下循髀陽出膝外廉下外輔骨之前直下抵絕骨之端下出外踝之前循足跗上出小指次指之端其支者別跗上入大指之

間循大指岐內出其端還貫入爪甲出三毛合足厥陰  
為表裏厥陰之本在行間上五寸應在背輸同會于手  
太陰

其足少陽之別名曰光明去踝半寸是也別走厥陰下  
絡足趺主肝病實則膽熱熱則厥厥則陽病陽脉  
反逆大於寸口一倍病則胃中有熱心脇頭領痛缺盆  
腋腫下腫虛則膽寒寒則痿痺則陰病陰脉反小於寸口  
病則胃中有寒少氣口苦身體無膏澤外至肝絕骨外

踝前及諸節皆痛若陰陽俱靜與其俱動如引繩俱頓

者病也

此盡是足少陽膽經筋脉支別為病今取足厥陰肝經附于後

足厥陰之脉起於大指聚毛之際上循足趺上廉去內

踝一寸上踝八寸交出太陰之後上膈內廉循股陰入

毛中環陰器抵小腹俠胃屬肝絡膽上貫膈布脇肋循

喉嚨之後上入頤頤連目系上出額與督脉會于巔

一本

云其支者從小腹與太陰少陽結於腰髀下第三第四骨空中其支者從目系下頰裏

環脣內其支者復從肝別貫膈上注肺中是動則病腰

痛不可以俛仰丈夫顏疝婦人小腹腫甚則噎乾面塵  
脫色是主肝所生病者胃滿嘔逆洞泄狐疝遺溺閉癰  
盛者則寸口大一倍於人迎虛者則寸口反小於人迎  
也

足厥陰之別名曰蠱溝去內踝上五寸別走少陽其別  
者循經上臑結於莖其病氣逆則臑腫卒疝實則挺長  
熱虛則暴癢取之所別足厥陰之筋起於大指之上上  
結於內踝之前上循胛上結內輔之上下循陰股結於

陰器結絡諸筋

春三月者主肝膽青筋牽病也其源從少陰而涉足少陽少陽之氣始發少陰之氣始衰陰陽怫鬱於腠理皮毛之病俱生表裏之病因起從少陽發動反少陰氣則臟腑受癰而生其病相反若腑虛則為陰邪所傷腰背強急脚縮不伸肝中欲折目中生花若臟實則為陽毒所損瀉瀉前寒而後熱頸外雙筋牽不得屈伸頸直背強眼赤黃若欲轉動合身回側故曰青筋牽病

方見傷寒卷



灸法

扁鵲曰灸肝肺二輸主治丹毒牽病當依源處治調其陽理其陰臟腑之疾不生矣

肝虛實第二

脉方  
灸法

肝實熱

左手關上脉陰實者足厥陰經也病苦心下堅滿常兩脇痛息忿忿如怒狀名曰肝實熱也

竹瀝泄熱湯治肝實熱陽氣伏邪熱喘逆悶恐目視物

無明狂悖非意而言者方

竹瀝

升十

麻黃

大青

梔子仁

升麻

茯苓

玄參

知母

各三分

生薑

石膏

各八分

生薑

芍藥

各四分

右十二味咬咀以水九升煮取二升半去滓下竹瀝煮兩三沸分三服須利下芒硝三分去芍藥加生地

黃五分

刪繁方無石膏生薑芍藥生薑用人參三分

前胡湯治肝實熱目痛胃滿氣急塞瀉肝方

前胡

芒硝

秦皮

梔子仁

決明子

黃芩

升麻

麤仁

細辛

各三兩

苦竹葉

車前葉

各切一升

右十一味咬咀以水九升煮取三升去滓下芒硝分  
三服又一方有柴胡三兩共十二味

防風散治肝實熱夢怒虛驚方

防風

茯苓

萎蕤

白朮

橘皮

丹參

各一兩三分

細辛

二兩

甘草

射干各一兩

升麻

黃芩各一兩半

大棗三七枚

酸棗仁三分

右十三味治下節為粗散以兩方寸匕帛裹以井花水二升煮時時動上裹子煎取一升分服日二

遠志散治肝邪熱出言反常乍寬乍急方

遠志

射干

杏仁

大青各一兩半

茯神

麥門冬

葛根

甘草各一兩

芍藥一兩三分

桂心三分

知母

升麻各五分

石膏二兩

右十三味治下篩為粗散以水二升五合煮竹葉一升取汁內藥一匕半煎取八合為一服日一以綿裹散煮之

地黃煎治邪熱傷肝好生悲怒所作不定自驚恐方

生地黃

淡竹葉

生薑

車前草

乾藍各切一升

赤蜜一升

丹參

玄參各四兩

茯苓二兩

石膏五兩

右十味㕮咀以水九升煮取三升去滓停冷下蜜更煎三兩沸分三服

肝膽俱實

左手關上脉陰陽俱實者足厥陰與少陽經俱實也病苦胃脹嘔逆食不消名曰肝膽俱實也

肝虛寒

左手關上脉陰虛者足厥陰經也病苦脇下堅寒熱腹滿不欲飲食腹脹悒悒不樂婦人月經不利腰腹痛名

曰肝虛寒也

補肝湯治肝氣不足兩脇下滿筋急不得大息四肢厥  
冷發搶心腹痛目不明了及婦人心痛乳癰膝熱消渴  
爪甲枯口面青者方

山茱萸

翼作  
烏頭

甘草

桂心

各三  
兩

桃仁

翼作  
桃仁

栝子仁

細辛

茯苓

防風

各二  
兩

大棗

二十  
四枚

右九味咬咀以水九升煮取五升去滓分三服

補肝散治左脇偏痛久宿食不消并目眵眵昏風淚出  
見物不審而逆風寒偏甚消食破氣止淚方

山茱萸

桂心

薯蕷

天雄

茯苓

人參各五分

芎藭

白朮

獨活

五加皮

大黃各七分

橘皮三分

防風

乾薑

丹參

厚朴

細辛

桔梗各一兩半

甘草

甘菊花一兩

貫衆

半兩

陳麥麴

大麥蘗各一升



右二十三味治下篩酒服方寸匕日二若食不消食  
後服若止痛食前服之

松膏酒補肝治肝虛寒或高風眼淚等雜病方

以松脂十斤細剉以水淹浸一周日煮之細細接取  
上膏水竭更添之脂盡更水煮如前煙盡去火停冷  
脂當沈下取一斤釀米一石水七斗好麴末二斗如  
家常釀酒法仍冷下飯封一百日脂米麴並消酒香  
滿室細細飲之此酒須一倍加麴

枸杞酒治同前

搗碎枸杞子一斗先內絹袋中酒二斗漬訖密封泥甕勿洩曝乾天陰勿出三七日滿旦溫酒任性飲之忌酢

防風煎治肝虛寒目眈眈視物不明諦視生花補方

防風

細辛

芎藭

獨活

白鮮皮

甘草

各三兩

橘皮

二兩

大棗

三七枚

蜜五合

甘竹葉

切一升

右十味㕮咀以水一斗二升先煮九味取四升去滓  
下蜜更煎兩沸分四服日三夜一若五六月以燥罷  
貯冷水藏之

方  
檳榔湯治肝虛寒脇下痛脹滿氣急目昏濁視物不明

檳榔

二十枚

附子

七枚

母薑

七兩

茯苓

橘皮

桂心

各三兩

桔梗

白朮

各四兩

吳茱萸

五兩

右九味咬咀以水九升煮取三升去滓溫服每服一升若氣喘者加芫薺三兩半夏四兩甘草二兩

治肝虛目不明方

灸肝輸二百壯小兒酌量可灸一二七壯

肝膽俱虛

左手關上脉陰陽俱虛者足厥陰與少陽經俱虛也病苦恍惚尸厥不知人妄見少氣不能言時時自驚名曰肝膽俱虛也

肝勞第三論方

論曰肝勞病者補心氣以益之心王則感於肝矣人逆春氣則足少陽不生而肝氣內變順之則生逆之則死順之則治逆之則亂反順為逆是謂關格病則生矣

豬膏酒治肝勞虛寒關格勞澀閉塞不通毛悴色夭方

豬膏

薑汁各二升

右二味以微火煎取三升下酒五合和煎分為三服  
虎骨酒治肝虛寒勞損口苦關節骨疼痛筋攣縮煩悶

方

虎骨

一升炙焦  
碎如雀頭

丹參

八兩

乾地黃

七兩

地骨皮

乾薑

芎藭

各四兩

豬椒根


五加皮

白朮

枳實

各五兩

右十味咬咀絹袋盛以酒四斗浸四日初服六七合  
漸加至一升日再



備急千金要方卷三十六